

INUIT ATAQATIGIIT INATSISARTUNI



UPA26/148

09. juni 2026

Nivi Rosing

Putsup gassiinut imermik saligutikumik umiarsuit Kalaallit Nunaata imartaani kuutsitsinissaanik inerteqquteqarnissaannik, Naalakkersui-sut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Siullermeerinnineq

Siunnersuuteqartumut qujavugut siunnersuut soqutinginartoq inuiaqatingiinnut inuutissarsiuteqarnermullu tunngalluinnartumut. Imaani inuutissarsiorneq nunatsinnut pingaaruteqarluinnartuuvoq tamannalu aningaasarsiornitsinnut tunngalluinnarpoq. Aningaasarsiornittami annerpaartaa imaatigut aalisarnermi aalisakkat avammut tunineqartartut isumalluutigivagut, tassa ulluinnarni imarmi aalisakkat inuunitsinnut sunniutipilorujussuupput.

Pinngortitap paarilluarnissaa Inuit Ataqatigiinniit pingaartipparput pinngortitaq inuunitsinnut pingaaruteqartorujussuuvoq kinguaariit ingerlaneranni, pinngortitarmi nuna imarlu ulluinnarni qanilluinnarlugit inuuvugut pinngortitallu innarlittaaliornissaa pingaaruteqarpoq, oqaannassangilangut pinngortitamik paarsilluarnissatsinnik kisiannilli iliuuseqartariaqarpugut ullut tamaasa, imaanimi aalisakkat arferit inuussutingivangut ukiorpassuarni pinngortitamiillu aallaaveqarmata inuttut ataasiakkaatut tamatta akisussaassuseqarpugut paarsilluarnisatsinnut iliuuseqarnissatsinnullu.

Imartarput, piniagassat aalisakkallu qangaammalli Kullooritsinni pingaarnerpaavoq. Inuussutissagut. Assersuutaasinnaavoq sassumap arnaa pillugu oqaluttuaq. Oqaluttuaq kinguaariippassuarni ingerlateqqinnikoq. Imartarput eriagalugu paarilluassagipput meeqqanut paasinarsarlugu oqaluttuarisarnikuusaq. Tassami siuaatta aamma pingaartitaat tassaavoq meeqqaminnut piniagassat aalisakkallu piujuartinnissaat,

INUIT ATAQATIGIIT INATSISARTUNI



uumanianermut tunngaveqarpoq, pinngortitarpit pilersuisorput aatsaat paariuartillugu pilersorneqartuassagatta.

Inuit Ataqatigiit isumaqarpugut pinngortitaq paarissallugu inuiaqatigiit akornitsinni ataatsimut akisussaassuseqassasungut, imarsuarmimi mingutitsineq annertusiartuinnartillugu nerisaqarnitsinnut sunniuteqaleriartuin-narpoq tamannalu aamma peqqissutitsisinnut attuumalluinnarpoq mingutitsineq annertusiartuinnartillugu peqqissuserput innarlaluttuinnartarpoq nerisassallu pinngortitamiittut ikiliartuinnartarlutik nappaatinik assingiingitsunik sunner-neqarsimalertaratta.

Issittumut soqutinginninneq suli annertusiartuinnarpoq Kalaallit Nunaat qitiuvoq issittumi oqallinnermi angallannikkut siunissami ungasinnerusumi annertuumik nunarput aqquingineqalissaaq tamanna aamma siunissamat ungasinnerusumik pilersaarusiornermik pisariaqartitsivoq tassalu issittumi imartatta mingutsin-neqarnera annikinnerpaaffissaaniitissallungu suliniutit ingerlatileriissangatsingit pisut pinnginneranni siunnersuummilu matumani Inuit Ataqatigiit siunertaanut uniutinngitsumik saqqummiussisoqarpoq tassalu pinngortitamik mingutsitsineq annikinnerpaaffissaaniitinniarlugu suliniutit ingerlajuartariaqarput tamannalu kinguaassatsinnut aamma sunniuteqassaaq iliuseqanngikkuttalu mingutitsine-rup kinguneranik pinngortitami nerisaqarsinnaanerput sunnerneqassalluni issittumi inuungatta pinngortitaq malussareqaaq uumasullu aamma sunnerne-qartarnerat takussutissaqarpoq mingutitsinitta kinguneranik sunnerneqarsima-sunik.

Avatangiisitsinnik mianerinnittuuneq Inuit Ataqatigiit sulinitanni pingaarpoq mingutsitsinngitsunik nukissiuuteqarneq ineriartortissimavarput pinngoritaq paarilluarumallugu tamannalu suliaq ingerlateqqinniarlugu nukigut atorpagut kingulissatta pittaasumik pittaasumik avatangiiseqarnissaanut. Siunnersuuteqartorlu Inuit Ataqatigiit isumaqatigivarput tassalu imaani mingutsitsinerup annikillisarnissaanut iliutsigut annertunerusariaqartut uumasut imarmiut illersorsinnaajumallugit.

Imaanimi mingutsitsinerup annertusinerani aningaasarsiornerput nunatsinni annertuumik eqqorneqassaaq ulluinnarnilu inuunitsinnut sakkortuumik sunniutissalluni

INUIT ATAQATIGIIT INATSIARTUNI



imaatingummi aalisarnermi isertittakkatta ulluinnarni inuuner-put sunnerpaa tassalu imartarput mingutsinneqarnerulerpat aningaasarsiorner-put eqqorneqassaaq ulluinnarnilu atungaqarnerput ajorsissaaq taamaammat siunnersuuteqartup siunnersuutaa Inuit Ataqatigiit anguniakkatsinni erseqqimmat Naalakkersuisullu naaperiaanerat aallaavigalugu Naalakkersuisut allannguutissatut siunnersuutaat Inuit Ataqatigiit akuersaarpat, imatut paasineqassalluni siunnersuut tamakkiisumik naaperiarneqartoq Naalakkersui-sullu allannguutissatut siunnersuutaat siunnersuuteqartumut naaperiaasuusooq.